

PELAJARAN 10
AYAT KEFAHAMAN: MANFAAT KEJADIAN ALAM
(Surah Fatir :12-13)

وَمَا يَسْتَوِي الْبَحْرَانِ هَذَا عَذْبٌ فُرَاتٌ سَائِغٌ شَرَابُهُ، وَهَذَا مِلْحٌ أُجَاجٌ وَمِنْ كُلِّ
تَأْكُلُونَ لَحْمًا طَرِيًّا وَتَسْتَخْرِجُونَ حِلْيَةً تَلْبَسُونَهَا وَتَرَى الْفُلْكَ فِيهِ مَوَاحِرَ
لِتَبْتَغُوا مِنْ فَضْلِهِ ۚ وَلَعَلَّكُمْ تَشْكُرُونَ ﴿١٢﴾ يُوَلِّجُ اللَّيْلَ فِي النَّهَارِ وَيُوَلِّجُ النَّهَارَ فِي
الْأَيْلِ وَسَخَّرَ الشَّمْسَ وَالْقَمَرَ كُلٌّ يَجْرِي لِأَجَلٍ مُّسَمًّى ۚ ذَٰلِكُمُ اللَّهُ رَبُّكُمْ لَهُ الْمُلْكُ
وَالَّذِينَ تَدْعُونَ مِنْ دُونِهِ مَا يَمْلِكُونَ مِنْ قِطْمِيرٍ ﴿١٣﴾

12. Dan tidaklah sama keadaan dua laut (sekalipun satu jenisnya), yang satu tawar lagi memuaskan dahaga serta sesuai diminum, sementara yang satu lagi masin lagi pahit dan (kedua-duanya itu berfaedah kepada kamu): Dari tiap-tiap satunya kamu dapat makan daging yang lembut hidup-hidup dan dapat pula kamu mengeluarkan benda-benda perhiasan untuk kamu memakainya; (selain itu) engkau melihat pula kapal-kapal membelah air belayar padanya; (diadakan semuanya itu) supaya kamu dapat mencari rezeki dari limpah kurnia Allah dan supaya kamu bersyukur.

13. Allah jua yang memasukkan malam pada siang dan memasukkan siang pada malam (silih berganti) dan Dia yang memudahkan peredaran matahari dan bulan; tiap-tiap satu dari keduanya beredar untuk suatu masa yang telah ditetapkan. Yang melakukan semuanya itu ialah Allah Tuhan kamu, bagiNya kuasa pemerintahan; sedang mereka yang kamu sembah (yang lain dari Allah) tidak mempunyai sesuatu pun walau senipis selaput biji kurma.

Pengertian Kejadian Alam

- ☐ Alam semesta adalah suatu hamparan dan ruangan yang sangat luas yang tidak diketahui dan tidak dapat dibayangkan luasnya.

~~Kekuasaan Allah SWT melalui~~ Kejadian Alam

- ☐ Penciptaan manusia membuktikan kewujudan dan kekuasaan Allah SWT kerana manusia cukup sempurna fizikalnya.
- ☐ Penciptaan sungai dan laut yang menjadi sumber makanan, minuman dan khazanah laut dapat dijadikan perhiasan yang sangat bermanfaat kepada kehidupan manusia.
- ☐ Penciptaan laut menyebabkan kapal dagang dapat berlayar mengelilingi dunia, berhubung dari satu tempat ke tempat yang lain.
- ☐ Peredaran matahari dan bulan menyebabkan berlaku siang dan malam.
- ☐ Allah SWT memanjangkan waktu malam pada musim sejuk, dan Allah SWT memanjangkan waktu siang lebih daripada waktu malam pada musim panas.


~~Hikmah Kejadian Alam kepada~~ Manusia

- ☐ Menyuruh manusia berfikir tentang kejadian alam untuk menambah keimanan kepada Allah SWT.
- ☐ Memudahkan kehidupan manusia di dalam alam ini dengan memanfaatkan sumber alam sekitar seperti bahan galian untuk kegunaan manusia.
- ☐ Mengurus dan memajukan alam ini dengan berpandukan syariat Islam agar ia dapat dinikmati oleh generasi akan datang.

~~Kepentingan Menjaga Alam Sekitar~~

- ☐ Menjaga alam sekitar merupakan asas keimanan seseorang muslim kerana Islam tidak hanya menjaga hubungan dengan Allah SWT tetapi juga menghubungkan manusia dengan alam sekitar.

- Menjauhkan manusia daripada kemusnahan, kehilangan nyawa dan kerosakan harta benda akibat berlakunya bencana alam seperti banjir dan tanah runtuh.
- Menambah keimanan dan ketakwaan kepada Allah SWT dengan melihat dan menikmati keindahan dan keaslian alam sekitar yang merupakan tanda-tanda kebesaran Allah SWT seperti gunung ganang, lautan, bulan dan matahari.



Pengajaran Ayat

- Kita hendaklah menjaga dan memelihara keindahan serta kebersihan alam sekitar kerana ia merupakan tuntutan Allah SWT dan rasul-Nya.
- Kepelbagaian penciptaan makhluk seperti sungai, lautan, pertukaran siang dan malam, pergerakan bulan, musim yang silih berganti merupakan dalil kekuasaan dan keesaan Allah SWT agar manusia dapat memanfaatkannya.
- Orang Islam yang beriman kepada Allah SWT dituntut untuk mengkaji dan menyelidik segala fenomena kejadian alam seperti hikmah diciptakan air masin di lautan, punca pasang surut air laut dan sebagainya.

LATIHAN PENGUKUHAN

1. Terangkan **dua** kepentingan menjaga alam sekitar. (4 markah)

Bukti kekuasaan Allah SWT terdapat pada kejadian alam.

2. Pada pendapat anda mengapakah manusia tetap mengingkari perintah Allah SWT?
Kemukakan pendapat anda berserta contoh dan rumusan.

(6 markah)

Jawapan

1. Dua kepentingan menjaga alam sekitar:

- ☐ Menjauhkan manusia daripada kemusnahan, kehilangan nyawa dan kerosakan harta benda akibat berlakunya bencana alam **(ISI)** seperti banjir dan tanah runtuh **(HURAIAN)**.
- ☐ Menambah keimanan dan ketakwaan kepada Allah SWT dengan melihat keindahan alam sekitar yang merupakan tanda-tanda kebesaran Allah SWT **(ISI)** seperti gunung ganang, lautan, bulan dan matahari **(HURAIAN)**.

2.

Mukaddimah	Pada pendapat saya, manusia tetap mengingkari perintah Allah SWT kerana
Isi	mengikut hawa nafsu.
Huraian	Kesannya, mereka mudah tergoda dengan hasutan syaitan
Huraian Isi	Godaan syaitan membawa kepada jalan kesesatan.
Dalil	وَمَنْ أَضَلُّ مِمَّنِ اتَّبَعَ هَوَاهُ بَغْيِرِ هُدًى مِّنَ اللَّهِ
Huraian Dalil	Ayat ini menjelaskan tidak ada yang lebih sesat daripada orang yang menurut hawa nafsunya dengan tidak berdasarkan hidayah petunjuk dari Allah.
Kesimpulan	Kesimpulannya, manusia wajib tunduk dan patuh kepada perintah Allah SWT agar jauh dari murka-Nya.